



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-41-11/19

Datum: 28.02.2019. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine, glavni tužilac Tužilaštva-Tužiteljstva BiH d o n o s i

O D L U K U
o izboru najpovoljnijeg ponuđača

Član 1.
(Predmet odluke)

Ugovor o nabavci za LOT1:

- Konferencijski sistem;
- Prevodilački sistem sa sistemom višekanalnog AV snimanja;
- Sistem ozvučenja,

za potrebe Tužilaštva-Tužiteljstva Bosne i Hercegovine, dodjeljuje se ponuđaču **Audio Video Consulting d.o.o. Sarajevo**

Član 2.
(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku za dostavu ponuda.

(2) Ponuda ponuđača iznosi 73.296,50 KM bez uključenog PDV-a.

(3) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Tenderskoj dokumentaciji sa svim izmjenama i dopunama.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-1-109-3-6/19 od 25.01.2019. godine i 435-1-1-109-3-6/19 od 06.02.2019. godine. Za predmetni LOT primljene je jedna ponuda ponuđača **Audio Video Consulting d.o.o. Sarajevo**.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2019. godinu, broj: broj: A-493/18 od 20.12.2018. godine članovi Komisije (u daljem tekstu: Komisija) izvršili su pregled i ocjenu ponude i utvrdili sljedeće:

Analizom dostavljene ponude utvrđeno je da cijena ponude premašuje procijenjenu vrijednost nabavke za LOT1. Nakon izvršenih provjera sa podnosiocem Zahtjeva za nabavku predmetnih roba i Tehničke specifikacije utvrđeno je da je na globalnom tržištu došlo do povećanja prodajnih cijena predmetnih roba u periodu od planiranja potreba za nabavku do momenta dostavljanja ponude, koje povećanje cijena opravdava višu cijenu u ponudi od procijenjene vrijednosti.

U skladu sa navedenim, izvršene su konsultacije i sa rukovodiocem Odjela za materijalno finansijske poslove vezano za raspoloživa sredstva za predmetni LOT. Rukovodilac Odjela za materijalno finansijske poslove je dostavio pozitivno mišljenje o mogućnosti obezbjeđenja dodatnih sredstava.

S obzirom na potrebu ugovornog organa za nabavku predmetnih roba, a imajući u vidu dostavljena mišljenja stručnog osoblja, te činjenicu da ne postoji mogućnost provedbe e-aukcije iz razloga jer je dostavljena jedna ponuda, Komisija prihvata ponudu ponuđača Audio Video Consulting d.o.o. Sarajevo.

Ponuda ponuđača Audio Video Consulting d.o.o. Sarajevo je u potpunosti prihvatljiva i zadovoljava uslove Tenderske dokumentacije i Tehničke specifikacije.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine za izbor ponuđača Audio Video Consulting d.o.o. Sarajevo čija ponuda ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Dostavljeno:

- Ponuđaču
- Odjelu za materijalno-finansijske poslove.

